

元音了釋書

十九

共十六

特別  
八四  
5587  
11





三元釋書卷第十九

願雜十之四

靈恠六

轉乘

慧增

春命

明蓮

道命

濟北沙門

師鍊

撰



海蓮

賴真

蓮尊

妙達

源尊

常照

阿清

藏滿

圓能

道乘

圓善

安珍

無空

講仙

度摠論

吾佛之化明冥俱濟大經曰戒緩乘急者處  
三途而見佛况轉報之餘習陰夢之感激乎  
苟預化者采掇焉繫願之六矣

先身毒蛇

釋轉乘和州人住金峯山寺性多嗔勇猛勤  
勵持法華誦六卷七八兩卷不能通乃發奮  
激志讀二卷三萬過遂不記詣藏王菩薩九  
旬獻六時香花夜禮三千拜乞救助夏末夢  
夜叉形人以龍為冠天衣瓔珞手執金剛杵  
足踏花告曰昔播州赤穗郡山驛屋梁上有  
毒蛇長丈餘適一比丘宿驛舍蛇念曰我今  
飢渴欲吞比丘比丘不知洗手漱口誦法華  
其音和雅蛇聞之毒害心止通霄側耳誦至

先身蟋蟀

第六天明比丘乃發去蛇聞法力故轉畜為  
人汝身是也持法華者宿薰故不誦七八者  
不聞故汝性真猛者毒蛇之習氣耳自令堅  
心即通二卷必得出纏乘寤感喜無量果得  
通誦嘉祥二年寂

釋海蓮越之中州人持法華二十五品諷誦  
通利後三品不能誦勤方勵志久如不通乃  
上郡之立山及諸靈區難行苦行祈求誦憶  
夢一菩薩語曰汝先身為蟋蟀在僧房壁其

比丘誦法華蟋蟀聽之普門品了僧疲勞放  
身靠壁蟋遭壓死聞法力故轉得人身而讀  
法華不聞三品故不能誦覺後益勉漸通三  
品王嘉祥十村上天白主天德元年逝

釋慧增居醍醐寺持法華他經咒一字不讀  
而經王八軸皆能誦徹只方便品終偈中二  
字不能誦多年勵志誦二字終不通乃自思  
忖我誦一部皆能通利只此二字不能記况  
勤策已度歲乎恐是宿殃乃詣和州長谷寺

祈誦二字過七日一龐眉僧出殿告曰汝前身播州賀茂郡人也前世亦讀法華一時寒冬向火讀經火星迸散燒經偈二字汝不書補而命終因是故雖誦經二字不通今彼地經尚在汝先父母亦現在汝速往播補經觀親夢覺二字明了又無忘失即赴播州宿一家家主出見增曰何似吾亡子哉聞音曰聲又不異夫妻相列默見增言來意父母悲喜相并乃出經函果二字燒穿增頂戴感嘆書

先身牛

補二字增前後二世父母四人慈孝和睦云釋賴真近州人年九歲至郡之金勝寺聞比丘讀法華便能憶持諷誦兼解文義真性靜默少語常動口齒而哨噉人或笑之真又自耻不能止即上睿山中堂期七晝夜訴誠曰我有何惡報作此牛伺願大醫王明示前因至第六夜夢聞其音不見其形告真曰汝前身在近州緣智郡為特牛郡人以妙法華經并供養具馱此牛往伽藍依負經功脫畜為

人亦能誦習習氣未盡作呵哨耳真夢後精進剋責持誦益勤年七十誦六萬部  
釋春命住睿山西塔院誦法華無他業足跡不入鄉里專屏山中一時曉更誦經安坐如睡如覺一天女現半身其聲清雅告曰汝先身為野干在法華堂梁間常聞人讀經王以法力故轉得人身前緣相牽作此住偈人身難遇宜加策勵速度苦海言已形隱命聞風生彌勒持誦六萬部後不記數臨終誦經而

逝

釋蓮尊作別人居元興寺持法華二十七品明了諷誦餘勸發不能誦倍加精進讀此一品數萬遍終不通大愧怍乃對普賢像九旬精祈言而曰忘失句偈還令通利菩薩豈欺我乎苦修精勤盡一復至自恣夜夢天童告曰普賢大士令我說汝宿因汝先世為雜狗母狗適在持經者床下卧雜狗來乳持經法師誦經王從序品迄嚴王品雜狗得聞至勸

發品毋狗起去。雞狗隨之。由是不聞汝聞法  
力。今得人身。又誦法華。不聽勸發。故雖讀不  
能誦。只固志力。必得全誦。寤後加專勤。最後  
一品。又能通利。

○前身牛釋明蓮居法隆寺。讀法華誦徹七卷第八之  
卷。不能誦。積歲月。懇溫復終不記。詣稻荷神  
祠。祈求夙報。過百日。無感。又往長谷寺金峰  
山。各尅一。復讀經。祈報。而不得感。蓮不屈。登  
熊野山。又祈百日。神詆。夢曰。我於此事。力所

不及。乞求。住吉明神。蓮返攝州。寓住吉。一百  
日。神又夢曰。我又不知祈。伯耆大山神。蓮便  
詣大山。安居精求。夏滿。夢神告曰。作州人。登  
此山。以糧負牛。其人詣神祠。牛繫僧房。房中  
此丘。夜誦法華。牛聞之。生慈善心。至第七卷。  
天色漸曙。牛主早發。是以其牛不聞第八卷。  
彼牛者。汝前身也。聞法力。故今得比丘形。而  
持法華。不誦第八者。不聞之故。自今勤策。來  
生。觀史。夢寤感幸。乃一心合掌。白神言。癡牛

聞法尚得人身何況人身如說修行今聞夙  
因神貺難報生生世世誓持法華迴施群有  
證大菩提誓已辭神而去

贊曰或問曰蓮之祈報也初神不逮次後乎  
對曰不也夫宿障厚者得靈感之遲矣屢聲  
勞劬漸泯餘殃障已盡感應乃彰是我佛  
教報理之常也世人不知纔効小功怨神讚  
佛眷惠之甚也蓮歷五六之寺祠累百十之  
歲時其志益固固可貴也而其間稍荷長谷

聞而不告者障尚厚矣熊野住吉不知不及  
者漸薄而勉激也逗到大山始償本志宜乎  
又其為根地也鄉之功用萃於此是諸神之  
巧方也非不能焉

根地 前身牛在此山開延法考于牛死  
此償在夙因云

生頓死而獲

釋妙達羽刈田川郡人住龍華寺以誦法花  
為業天曆九年無病手持經卷俄爾氣絕乃  
往閻王宮王見達下座作禮曰師非命盡而  
來我欲有啓耳我見師持妙法華內外清淨  
實為澆季正法人我今為師說日本國中衆



生所作諸業師能憶持還本土勸善誡惡廣  
行利生因而委說四眾罪狀達經七日藉息  
具語冥事聞者信伏修善遠惡

釋道命藤亞相道綱第一之男也少登睿山

事慈慧誦法華無佗業而志專篤初一歲誦

一卷八年終全部蓋簡散心也其聲微妙自

合律呂清濁輕重韻節和雅眾人側耳久聽

不足居城西法輪寺常勤誦誦一僧夢冠纓

人充塞四傍僧問誰人荅曰金峯藏王熊野

明神住吉松尾諸神也其住吉明神者曰日

本國中諸持經人此道命師最爲第一我雖

居遠境每夜詣此聞諷音耳松尾明神者曰

如是如是卿言爾也我居密邇晝夜來聽僧

覺聞之命適誦壽量品僧乃作禮說夢又有

寡婦病狂託曰所託者婦夫也無心惱婦也

眾人且聞我言我生平放逸無惡不作當墮

阿鼻只有一善得輕報我主人詣法輪寺時

我亦從之道命師誦法華其音清雅我聞隨

喜因茲微善輕轉無間今得蛇身若重聞彼  
經脫蛇趣生善處衆人能將我就命師聞經  
法我無寄處且寓本婦汝等家人恤我哉家  
僕便輿婦人詣法華寺聞命經靈又詆曰善  
哉善哉婦能詣此得聞誦經既脫畜報當生  
天上婦人歸家病如洗命寂後有親友念而  
言命公誦經多歲不知生淨土否若生樂邦  
定知我心願於夢中審示生處如是念願兩  
三年夢大河側有蓮池四種寶花芬馥盛開

池中有誦經聲似命此人下車立池畔見命  
乘舟手把經卷而讀其音倍平時語曰我在  
世雖出家不慎三業多犯禁戒其管四天王  
寺犯用僧祇物如是衆罪不得淨土然依經  
王力不墮惡趣住此蓮池誦法華過三二年  
當生兜率夙契不忘思我可喜故來告耳夢  
覺感泣

釋源尊少年出家讀法華日課不急未得誦  
壯年受病數日而死乃赴閻王宮冥衆數人

依讀法華  
功德種種生

或冠冕縫掖或甲冑戈鉞簡牘註記種種異  
狀側有聖僧手持錫杖執經篋謂闍王曰沙  
門源專讀法華經歲序已久又可貴乃延高  
座開篋授經經法華也尊喜懼交合高聲披  
讀冥衆合掌傾聽經已僧曰汝還本土尊願  
猶乃觀卅音也尊經一日夜而蘇其後全部  
誦徹臨終無少惱誦法華而逝

釋常照幼時戲自刻一比丘像稱地藏尊安  
古寺壇畔率群童採花致供後入園城寺習

教法年及而立染疾不久而亡勇士二人捕  
照過黑山麓有大穴勇夫推照陷穴照上足  
下頭如石落而降其間疾風撲目痛不可言  
也照以兩手覆雙眸已墮在焰王廳顧眄四  
傍罪人無數其苦狀萬端時一沙門端嚴靚  
莊語照曰我是汝稚歲所造供者也自爾以  
來日夜護爾不暫捨也故今又來此救汝汝  
歸本土益加精修照蘇息後精勤無廢云  
釋阿清姓百濟氏備之中州窪屋郡人性耐

苦行歷涉勝地適染時疾六日而亡又經二  
日而蘇語人曰我往曠野西北角有門樓入  
中宛如廳衙庭上坐數千人決罪狀見已毛  
豎時一比丘持錫杖從兩美童手以文書向  
官使似有訟曰此阿清苦修精勤此度返本  
土便授牒官使曰是清之行業記也乞詳見  
之官使等披牒曰實如記宜放赦又况師之  
言乎語已敬比丘清問童子此比丘為誰童  
曰地藏菩薩也清聞已感敬交集故得獲生

見聞無不嗟嘆矣。

釋藏滿東大寺義藏之徒也適值相者通照  
照曰子雖精學不至立年不如弃本業勤精  
修滿乃入山州竺置窟苦練如救頭然兼誥  
且必持地藏號年三十恙中風經日而死青  
衣之人驅逐而行滿語使者曰我生平歸地  
藏尊今至於此大士豈誕哉於時一比丘忽  
然而來儀狀端莊須臾六沙門至相次三十  
餘輩行列群集於是乎冥使等曰比丘之言

三月梅嶺  
又五月  
八日獲生

誠實也故南方菩薩降臨耳我等於比丘無  
分不如棄去言已分散端莊沙門謂滿曰我  
是汝每朝稱念之者也我護汝猶目精以故  
今來也汝返閣浮益加策勵滿已藉息此間  
經一日夜滿自此精修益深年九十餘安祥  
而逝

釋圓能和州涪上郡伏見鄉人也年十八上  
信貴山習學性暗鈍不善教授而志操純至  
常念彌陀伏見有一寺號弘文院安丈六藥

師像能期一百日詣像日日三千拜誓曰我  
願見真身能自所居赴彼寺路過曠野至九  
十六日藥師真身現于野漸大殆滿虛空又  
阿彌陀真身二十尊文殊菩薩同共顯現能  
心身感喜頭面禮拜行年五十七三月晦寢  
中俄亡其徒以頓死未殯喪相對而護心胸  
又暖歷二七日猶不藉昇置野中鳥獸不傷  
人多怪之至五月八日蘇息初言語不詳後  
三歲語曰我先年夢中六比丘來呼我我隨

得死

六比丘昇空而去。我問曰：何處去？答曰：向欲  
王宮去。我白比丘曰：久唱彌陀，欲生極樂，今  
何用往欲宮？從此辭。比丘曰：汝只先往閻所，  
見有情業苦，次須詣極樂，未晚耳。我猶不肯。  
比丘曰：然者，先見淨土，後見欲宮乎？我諾便  
進去。到極樂東門，世界光曜莊嚴，殊妙。比丘  
曰：娑婆日月光猶耀煜，況彌陀光明如百千  
日。故有此眩耀。進入門內，見諸宮殿皆在水  
上。我以為此界宮殿能建水上，天工乎？佛力

乎。比丘曰：非水瑠璃地也。我以手摸地，果堅  
手不濕。我白比丘曰：彌陀所在宮殿，可得見  
乎？比丘曰：待問試。一比丘入殿，須臾歸來，將  
五比丘及我入中。傍有佛像。比丘曰：是誓願  
寺彌陀如來也。汝三年供養恭敬，故今現此。  
次見一殿，七寶嚴飾，琵琶箏篴歌頌妙音。孔  
雀鸚鵡伽陵頻伽讚嘆佛德。池中有大寶蓮  
花花臺，有樓閣閣上有菩薩聖眾。比丘曰：是  
寂小蓮花下品下生也。一一見之，念念恭敬。

比丘曰汝還本土寫五部大乘典必可來此  
又問曰平居有此願乎我荅曰無次往離宮  
焮王問曰汝有五部大乘書寫誓記不我又  
荅曰不記時比丘曰往年有欠慶讚五部大  
乘經汝在其席心起感喜曰我安如是人慶  
是經汝記之乎我曰有之比丘曰所謂是也  
汝返本邦書寫五典必生安養次見地獄八  
寒八熱受苦罪狀殆不可言也已出獄所六  
比丘曰我六地藏也言已蘇生爾來勸諭四

衆書金字五部大乘經於金峰山慶讚安置  
仁平元年正月二十四日於洛城預告四部  
沐浴淨衣跏趺合掌而化異香薰然城中道  
俗走來供養過十二日葬舟崗山四衆調音  
樂送之道路闐喩結淨緣云

○釋道乘睿山西塔寶幢院正筭之徒也後移  
法性寺自少年持法華晝夜無懈而性多嗔  
常以麁語干諸友怒罵童僕恚息則叩頭悔  
謝或對佛像向大衆發露陳懺一時夢出法

性寺上峯峯到掃下遙見山上自翠微至嶽  
頂金樓銀閣嚴麗殊妙其中填置無量經典  
黃卷朱軸金銀泥書乘見了生希有心傍有  
老比丘問曰此經閣妙絕誰所造比丘曰是  
汝年來所讀也依此善力當生淨刹乘聞而  
悅忽有火起經樓盡灰乘問比丘因何火起  
比丘曰汝嗔時所持經功及遭燒焚若息恚  
持誦安養之生又無疑乘夢覺懼悔乃於佛  
前誓止嗔忿精懇持經而後取滅

○釋圓善居魯山東塔院誦法華適遊熊野肉  
背山卒其後有沙門壹睿行宿山中中夜聞  
誦法華其聲微妙睿以為先亦有久宿一卷  
已禮拜懺悔又讀一卷每卷如是天明無久  
傍有骸骨支體全連青苔遍鎖似衣服想久  
經歲月鬪體口中有舌如紅蓮睿見之感恠  
欲視所由次日不去入夜誦經如昨至曉睿  
起拜曰既誦經必有心語願聽本事以傳靈  
感骨人荅曰我是台嶺東塔院某也至此而



死生平起堅誓誦法華六萬部存白纜半數  
而天願力不拔住此尚誦經耳今已殆終居  
此不父去此當生堯率內院審聞了禮骨人  
而去翌年又來不見苦骨

安珍

箇若到切

釋安珍居鞍馬寺與一比丘詣熊野山至牟  
婁郡宿村舍舍主寡婦也出兩三婢箇二比  
丘亦有姿兒中夜主婦潛至珍所通心緒初  
二比丘怪慰勞之密至此始覺珍曰我是緇  
服豈閨閣之徒乎寡居餘情溢于非類又可

耻也婦人大恨傍珍不離珍不得已軟諭曰

我自遠地赴熊野宿志畜來又神其嫌淫穢

者回不可歸途必來婦主姑待之尺涉切輕薄人多技藝女喜而歸

曉更珍早前路着神祠即便反經婦家而不

入急奔過主婦數歸裡儲供膳傍門伺路過

期不至適一僧過主婦問曰二比丘某物色

熊野及途有相見乎對曰如婦言二比丘我

親見而其沙門去此恐二日前也耳婦聞大

怨瞋乃入室不出經宿為蛇長二丈餘出宅

誘也

赴途奔馳而過路人噪亡相語曰如此大蛇  
何為取路人人相傳至其所珍思女化急馳  
入一寺寺名道成告衆乞救衆胥議下大鐘  
置一堂納珍鐘裏堅閉堂戶已而大蛇入寺  
血目燄舌甚可怖畏衆僧走散蛇赴堂戶不  
關便以尾擊戶聲如鐵石戶漸碎蛇入堂應  
時四戶皆開蛇乃蟠圍鐘舉尾敲鐘火燄迸  
散寺衆集看無爭奈何移時蛇去寺衆倒鐘  
見中不見珍又無骨只灰塵而已其鐘尚熱

不可觸也數夕一耆宿夢二蛇來前一蛇曰  
我是前日鐘中比丘也一蛇婦也我為淫婦  
害已為其夫惡趣苦報不易救脫而我先身  
持妙法華未久遭此惡事微緣不虛尚為極  
因願為我寫壽量品我等二蛇定出苦道我  
等來寺願垂哀愍覺後大憐乃書壽量品又  
捨衣資修無邊會薦二蛇其夜耆宿又夢一  
僧一女合掌告曰我等因師慈惠僧生墮率  
女生切利語已上天

存日慳貪命貯萬錢死後交蛇身夢告朋友令寫法華脫苦趣

釋無空姓橘氏居東大寺學密教又修念佛少資產晚年自謂我甚寧平後煩遺弟不如私畜以供喪事貯萬錢置梁間人不知也延喜二十一年空病六月死言不及錢右僕射藤仲平與空善夢空弊衣垢面形甚枯槁告曰我以伏貨受蛇身願公取其錢寫法華必脫苦趣藤公覺而感慨自往空坊探得梁錢中果有小蛇見久逃去藤公乃令比丘書法華營追薦其夜夢空衣服鮮潔顏色悅澤

存日愛橘樹因小緣結生極樂交蛇身託寺衆令寫法華脫蛇形生淨土

手執香爐語曰我以僕射親薦早出蛇趣今詣安養語已西飛

釋講仙洛東六波羅密寺之徒也久讀法華兼修懺焉萬壽中取滅其後不幾靈託寺衆曰我是定講師講仙也平居經業當生極樂而因小緣受蛇身我平時庭中殖橘樹枝葉漸茂開花結果我甚愛翫又衆所知雖非重罪愛念纏縛報墮蛇趣見今醜形住橘下為我寫妙法華必得昇濟寺衆聞之皆赴橘所

果有蛇纏繞其根長三尺許合寺憐之作所  
告事其夜寺僧夢講仙威儀序序面有喜氣  
拜大衆曰我依衆友哀愍力經主威神力脫  
地形生淨土明朝橘根蛇已脫

贊曰愛纏之業亦甚矣哉仙之養橘猶受蛇  
質况貨財乎又况色欲乎三子尚以經業託  
夢寐又况不有此乎慎之哉慎之哉

△度揔論

唐史各科終皆有論世書者不然有贊故到此揔論十度云

萬法森列智在其中矣因而分之度在其中

十度因難

矣慧禪相推變在其中矣繫傳焉而位在其

中矣夫度者何為者也開道成勢冒萬生之

萬生之化群生之變化維時度何哉

化如斯而已昔者聖人之立度也彌綸聖凡

而生教六分四析而倚數觀變於智立修是

見群枕之變隨且立度

故度之為道也廣大悉備有佛道焉有法道

焉有僧道焉兼三寶而十之十者非徒也三

解脫与度義同

寶之道也道有解脫故曰度度有各種故十

之十而度者所以廣包也故心無體而覺無

方一性一相之謂道繼之者智也成之者善

善也理戒也戒者万行之根也故十度之說以戒为首

善也非徒也

也。空者見之謂之空，有者見之謂之有。群生  
日用而不知，故佛之道，辨矣。是故將以順性  
相之理，是以立佛之道，曰智願方立法之道。  
曰力慧立僧之道，曰禪進忍戒檀夫度其至  
矣乎。夫聖人所以明道而廣業也，是故學者  
所居而安者，度之序也。所樂而玩者，度之理  
也。所履而行者，度之事也。古者能仁氏之王  
法界也。上利四聖，下濟六凡，內取性外取相  
範圍萬法，覆庇兆類，以修以證，蓋取諸智能

三寶十度融攝而不同今既合者一往後也

法報接界也

教息規也

仁氏沒，四依氏作述經為論釋論為疏。疏論  
之訓以教天下，蓋取諸慧。上古四八而修安  
般而觀後世，聖人易之以直指，蓋取諸淨禪。  
動天震地，使神役鬼，以利天下，蓋取諸進感。  
剥皮寫經，斬骨刻像，燒身捨命，以濟天下，蓋  
取諸忍。四六為重，六八為輕，五篇七聚，能辨  
開遠。蓋取諸戒。上古塚宿樹居，後世聖人易  
之以寺廬，蓋取諸檀。興出處無常，任道而行  
不拘形服，以衲立纓，蓋取諸方。應跨險蹈遠

教息規也入息曰安那出息曰般那

十重

四十八輕戒也

十二頭陀也

禪也

真也

不撓素履殊方異域以隣以里蓋取諸力游  
王公而行幽明而化被于萬物各得其所蓋  
取諸願雜夫道有大覺是生二法二法生十  
度十度生萬行萬行定理事理事備而復大  
道是故證悟莫大乎法修學莫大乎度利濟  
莫大乎行事理功成復乎大道莫大乎聖人  
聖人有以見天下之賾而象其物宜是故謂  
之智夫智者聖人之所以極深而研幾也唯  
深也故通天下之志唯幾也故成天下之務

聖人之道見乎智聖人之智見乎傳智其道  
之緼乎傳智成而道來矣傳智廢則無以見  
道道不可見則智幾乎息傳智之興也其於  
中古乎昔者瞿曇氏沒結集作三藏之典有  
小大二部之衆分內外空有性相蔓衍五天  
矣結集後一千歲震旦地明王起焉感夢寐  
之瑞馳聘求之使摩騰竺蘭之階聖位也喜  
聲教東漸之機至矣躡葱嶺之阻峻涉沙河  
之艱險馱經像於白馬諭教法於蒼生是傳

智之所以興也。後二百年士行跋大方之足，法顯縱聖蹤之目，玄奘道北狄而入，義淨泛南溟而達結集之陳迹，譯布乎支那四海百廿散艷風規者也。我之國極東海隅，梵壤不接，是以譯事缺矣。雖缺譯事而智之傳者無異距漢明而殆半千，吾國又明王起焉。海藩之帥貢獻也，是真教之始被也。吾道者夫於明乎奚兩土二名之相比也。達磨無畏之游斯地也，豈傳智之幾乎。灌真踵騰蘭之跡，昭

始終兼行

以度不為典

訓趁行顯之躅，亦是此方之所以從事於此也。爾來諸子恐後驅逐，詔視溟渤床居舟舶，覲明師而稟勝法矣。勤劬至而利濟博矣，斐淨之行焯焯可見矣。其德大而其功遠者乎，夫度之為道也，原始要終以為質也。上下無常變動周流，不為典要唯變所適，十度相交盤紆綺互而知者，觀其智章則思過半矣。夫知解脫之道者，其知度之為乎。度有聖人之道三焉：以思者尚其慧，以定者尚其禪，以禁

為分明之美  
也何若物  
不明不能采  
之於子已明  
而後采之故  
未者分月  
之美也願  
者之端也  
然不混

者尚其戒度有聖人之道六焉以行者尚其  
進以違者尚其忍以順者尚其檀餘三如上  
十度之興也其於衍乎立度者其有蓄乎是  
故智道之決也慧道之辨也禪道之正也進  
道之昇也忍道之任也戒道之制也檀道之  
利也方道之巧也力道之強也願道之敢也  
是以智明慧采禪專一也進行而不止忍不  
悔戒固檀功而不居方入諸趣力有所遂願  
混而不失一與二體同名異而位有差八與

九十位差而德不差然有次序者理之順矣  
有佛然後教生焉其教明白故受之以智智  
者知也物之有知也必有分別故受之以慧  
物之別也必忙不可以不靜故受之以禪靜  
至即止故受之以進物進遇險則屈故受之  
以忍忍久而心荒故受之以戒戒約而少息  
故受之以檀檀欲巧便故受之以方方多而  
緩故受之以力力强入物者洽故受之以願  
而終焉

夫行檀者豈有巧便隨人而取宜施而不受却使人作言何者若以刀杖而  
兒童必須作惡言此類是也



元亨釋書卷第十九

元亨釋書卷第二十

三代以來皆有史官紀王者言事  
左史記言右史記事

資治表一

濟北沙門

師鍊

撰

周未代表故多此式  
周公遺風故有史氏  
見其記作春秋自隱侯至哀侯  
盧子言子皆則

起欽明至皇  
極合七君

昔者仲尼之作春秋也編年月而數言焉  
子長之變聖製而立傳焉後之修史者皆則  
遷焉蓋編年者繫于時也立傳者繫于類也  
繫類之者下愚猶便之者讀矣繫時之者中  
才或病諸紛糾矣是所以史經之有變也初

孔子作春秋左丘明  
而作傳亦後公羊高  
子夏弟子穀梁赤  
孔子孫亦又作傳

原以佛法資治政也表者據史記八表也

予修此書欲則春秋只恐中下之或病諸其  
不得已耳矣然其胸懷猶介然于此也竊見  
皇朝之德化且託佛乘之翼佐也故予披其  
鑿吾之實事以寓素蘊而作資治表既而授  
二三子有効凡例於左高赤者今并而錄焉

欽明皇帝

自神武天皇第三十

右六人衛  
子平五  
人男十六  
人廿九人

元年春正月夏四月秋七月己巳遷都<sub>和</sub>和州  
磯城嶋冬十月  
元年庚申正月不書即位去歲十二月于

或曰遷都者非鑿事我之事書之何哉云云以示佛教之為被也

捨隈宮也帝繼體第三子初帝讓山田皇  
后后謝曰蒙恩至渥滇嶽難比而萬機之  
務婦女焉預况皇子仁聖明敏乎羣臣又  
請勤故不得已也七月十四都和之山邊  
磯城嶋造宮于金刺故曰磯城嶋金刺宮  
是歲當蕭梁武帝大同六年

- 二年
- 三年
- 四年
- 五年
- 六年
- 七年

八年

九年

十年

十有一年

十有二年

十有三年春夏秋冬十月百濟國主使大夫  
西部姬氏貢釋迦佛銅像及經論幡蓋大殿  
災

十三年十月十三百濟國聖明王使西部  
姬氏達率怒利斯致貢獻釋迦銅像經論  
幡蓋若干品上表曰是法於諸法中寂為

諸侯臣也

殊勝難解難入周公孔子尚不能知也是  
法能生無量無邊福德果報乃至成辨無  
上菩提譬如人懷隨意寶所須依情是法  
寶復然祈願依意無所乏缺且夫遠自天  
竺爰洎三韓順教奉持無不尊敬由斯百  
濟王臣明謹遣倍臣怒利斯致奉傳帝國  
流通寰宇又佛之所記我法東流聖識不  
徒天皇知之帝大悅詔使者曰朕從昔以  
來未曾聞如是微妙之法然朕不自決姑

待議焉乃歷問群臣曰西蕃獻佛其貌偉  
麗不知可拜不大臣稽稽曰奏對曰海藩  
諸國一皆禮奉豐秋日本豈獨否乎況百  
濟王世承皇化若貢妖神曷為忠藩願陛  
下勿慮也大連物尾與中臣鐮子等言我  
國家之治天下也恒以天地社稷一百八  
十神春夏秋冬祭拜有典方今改拜蕃神  
恐致國神之怒帝曰卿等言爾也然聖明  
之真不可舍也誰奉斯神者稻目稽首請

之帝賜像蘇氏稍目安小墾田家又捨向  
原宅為寺奉像此冬疫尾與鐮子同奏曰  
國有災孽妖神之為不用臣言已罹癘殲  
願行弃撤祈受後福帝依奏有司投像于  
難波堀江火伽藍于時天無雲雨天火焚  
大殿初仲哀皇帝八年神訛皇后征新羅  
國帝疑而不發九年春二月帝俄爾崩於  
是乎皇后神功懼帝不用神言而崩冬十  
月浮海到于新羅新羅王見我旌旗器仗

神託曰莊器仗有  
不血布得克因茲莊  
器

降人自面縛  
者所以于不旗面  
也或曰三韓  
朝我佛法  
事昌考春之  
云佛法初至自  
百濟故示所以  
子歸我年

之莊麗曰傳聞東海有神國名曰日本恐  
是其神兵乎不可敵也乃素服面縛自持  
面籍來于海壖曰願每歲貢金銀縑帛八  
十船不敢弼也此時高麗百濟二國主聞  
新羅降於我密伺軍勢知其不克又自急  
馳納款曰從今以後永稱西藩不絕朝貢  
自茲三韓皆貢于我當東漢獻帝建安五  
年也十月曷為不日史失也  
十有四年春復五月得異材刻佛像秋冬

或曰今息  
列也李屬  
內列也

十四年五月朔內州奏泉郡茅渟海有奇  
聲光其響如雷其耀若日帝敕溝邊直赴  
海物色見樟木浮海光彩煜如也取而獻  
帝命工刻佛像二軀今見在吉野寺俗曰  
放光像

十有五年春二月百濟國貢沙門曇慧道深  
復秋冬

十五年二月慧深二比丘應百濟貢來初  
十四年六月帝敕百濟召易曆醫二博士

至是貢三博士及三書二比丘附獻焉

十有六年 十有七年

十有八年 十有九年

二十年 二十有一年

二十有二年 二十有三年

二十有四年 二十有五年

二十有六年 二十有七年

二十有八年 二十有九年

三十年

三十有一年春三月甲申僕射藤原日茂夏

秋冬建宇佐神祠于豐前州

三十一年三月蘇公薨書官貴也是歲豐

前州宇佐郡厩岑菱瀉池畔民家兒甫三

歲詎曰我是第十六主譽田天皇廣幡八

幡也我名護國靈驗威身神大自在王菩

薩諸州諸所垂跡於神明今顯坐此地耳

因之敕建祠

三十有二年春夏四月天皇崩謚欽明秋冬

三十二年四月之崩曷為不日史失之也

△敏達皇帝 第三十一

元年春正月夏四月甲戌天皇即位秋七月冬十月

元年壬辰四月初三帝即位于百濟大井宮帝欽明第二子是歲當陳陳孝宣大建四年也

二年春月鹿戶皇子生夏秋冬

二年正月朔王夫人娛遊至鹿間俄而產

焉以誕近鹿戶字其兒焉王夫人何用明之后也曷為不書后茲時諸主也

三年 四年

五年

六年春夏秋冬十有一月百濟國貢佛經論及禪師律師比丘尼及咒禁師佛工寺匠六年十月遣百濟使大別王自百濟歸百濟王附貢經論及禪師等六人館難波大別寺書二及卷降也

七年春復秋冬天下放生月六日

七年每月六齋日放生因豐聰王子奏也

八年春復秋冬十月新羅國使枳叱政貢釋

迦佛像

八年十月新羅國貢釋迦像上官王子奏

曰此像甚靈崇之則銷災受福蔑之則招

蓄縮壽帝聞之敬崇供養今見在興福寺

東金堂

九年

十年

十有一年

十有二年春復秋冬百濟日羅說偈拜豐聰

王子

十二年百濟日羅來初日羅名干國帝遣

紀押勝召羅押勝自百濟歸奏曰百濟王

愛羅於是乎復使吉備羽嶋召羅于王王

懼以羅從羽嶋來王子偷眼於羅羅指王

子曰神人也具在太子事中

十有三年春復秋九月僕射藤公營殿千石



川宅冬十月度三屋

十三年九月百濟使麻深臣持彌勒石像而來又佐伯連有佛像蘇馬子於石川宅構殿安二像褒馬子之克承先子營佛事故書官不名十月馬子令高麗惠便度善信禪藏慧善三尼於石宅精舍供給一日設大齋會善信之父司馬達等豫焉於齋饌上得佛舍利獻馬子其舍利神異不測馬子益厚淨信

十有四年春二月僕射蘇公起塔于大野丘三月停佛法夏六月許蘇公奉佛秋八月己亥天皇崩聖壽二十有四謚敏達冬

十四年二月十五藉馬子立塔大野丘北以去歲所感舍利安塔柱因設大齋會三月大疫物宇屋中勝海奏曰癘災流行專由蘇氏佞佛也殷監不遠先朝可占因此停佛法曷為不言廢而書停假實之謂也曷為假當時之志也於是乎八耳王子曰

痛哉二子之昧也。佛法說因果，亦猶積善慶殃之餘矣。二子殆不免焉。二十八守屋自往大野，縱火燒塔殿，收燼餘，佛像并難波堀江。是日又無雲雨，又錮三尼于海石。榴市亭于時帝患瘡，及守屋天下殆徧死者相枕，其患者皆言如焚如撻，人人咸曰：焚寺像，打淨尼之報也。六月馬子奏曰：比來禁佛事，以故臣疾未愈。非三寶力，殆不起。願許復救。曰：獨許卿，餘不可。乃以三尼

賜馬子。馬子大悅，營精舍供三尼。帝疾彌留，不羗。八月十五崩。書聖筭見崇也。

△用明皇帝

第三十二

元年春正月夏四月秋七月冬十月

元年丙午正月不書即位。去歲九月于雙槻宮也。帝欽明第四子。是歲當揚隋文帝開皇六年也。

二年春復四月豐國法師入宮。癸丑天皇崩。謚用明。鞍部多須奈建坂田寺。秋七月誅守

采名也

屋冬建四天王寺

二年四月帝不豫語侍臣曰朕思歸三寶  
卿等議之守屋勝海共言何昔國神奉異  
域神先皇以來未之有也蘓馬子曰已承  
睿旨何異謀之有於是乎皇弟穴穗王子  
召豐國法師入內八耳王子握蘇子手曰  
三寶之與庸人不委姦黨交進抑蔽聖明  
卿不屈邪誣可謂忠直矣蘇子叩頭曰賴  
殿下之明德耳守屋睨蘓子而怒王子語

左右曰太連不知因果其敗可跂而待矣  
豐國中選曷為不族氏疑則傳疑春秋之  
法也曷為疑或曰豐國所名且從古史也  
帝疾篤鞍部多須那奏曰臣乞為陛下出  
家修道帝嘉之初九帝崩乃建坂田寺命  
百濟佛工刻丈六佛像安之六月百濟使  
來善信尼謂馬子曰夫出家者以戒為本  
此方戒學粗矣願如百濟受戒法七月蘓  
馬子誘諸王子謀于屋初守屋欲立皇弟

穴穗王子而咀帝以故帝天也又謀誅諸  
王子成穴穗事事發泊瀨王子麿戶皇子  
及馬子群臣帥師到澁河守屋拒之其兵  
甚銳官師三却麿戶皇子乃斫白膠木刻  
四天王像置頂髮中誓曰官軍得勝當作  
護世四王寺馬子又捨營寺宇興三寶於  
是乎麿戶舍人赤擣放矢曰是四天之箭  
便貫守屋胸而死物氏藏焉冬攝州王造  
岸上建四天王寺分守屋田貨為二一納

于寺一賜赤擣守屋之誅不系于我曷為  
書之深寇也寇則寇矣奈誅之不于何守  
屋謀麿戶麿戶舉伐麿戶之寇我之寇也  
苟我之寇書之無咎

崇峻皇帝 第二十三

元年春三月百濟國使思率首信貢佛舍利  
及沙門慧聰復四月求法比丘尼善信赴百  
濟秋七月冬十月蘇公建法興寺  
元年戊申正月不書即位去歲八月于倉

法興寺者今之元興寺也見推古四年下

橋宮也。帝欽明第十子。三月百濟貢佛舍利及沙門并畫工瓦工。表略曰：陛下踐祚肇興佛道。漢帝東流之夢。法王西來之猷。於今信矣。伏請陛下照佛日於若木之國。覆慈雲於扶桑之邑。夏善信尼如百濟遠游。非尼女。事書以求法簡貴之也。十月蘇馬子營法興寺。酬澁河役擔也。是歲當開皇八年也。

二年

三年春三月求法比丘尼善信至。自百濟夏秋冬鞍部氏菴髮度三尼。

三年三月善信尼自百濟歸止櫻井寺。是年鞍部多須奈出家名德齊同。落髮者善聰等八人。得度者多。曷為書鞍氏。褒蹈言也。三尼者善德善妙妙光也。曷為書三尼貴婦人也。

四年

五年春夏秋冬十有一月乙巳馬子弒天皇。

謚崇峻

五年二月帝語上宮皇子曰蘇馬子外雖崇佛內甚詐譎其侈縱矯虐卿以為若之何對曰蘇氏實可謂奢侈然陛下願以忍怒覆億兆焉帝性剛狷雖納上宮言內猶含之十月或獻山猪上宮侍焉帝指猪顧上宮曰安得如斬猪頸切佞臣頭上宮私謂禍始於此乃設內宴饗群臣上宮語群臣曰陛下之言公等勿洩也時有黨蘇氏

者告馬子馬子募勇士漢直駒弒帝十一月初三駒入天坐馬子賜駒不訾往來家門出入不問駒託功不慎通馬子女馬子怒縛駒庭樹親射殺向書馬子皆姓不名此何名不姓弒君也

推古皇帝

第三十四敬達后

元年春正月起法興寺塔夏四月己卯立皇太子秋七月冬十月移天王寺  
元年癸丑正月不書即位去歲十二月于

豐浦宮也。帝欽明中，女敏達之后，崇峻遭  
弑，羣臣謀立。正月，營法興寺塔，以佛舍利  
置柱礎中。四月初十，冊廐戶皇子為太子。  
詔曰：朕婦人也，不解政事，萬機之務，皆委  
太子。百僚悅焉。今茲移四天王寺，難波荒  
陵，是歲當開皇十三年也。

二年春二月，詔皇太子興三寶。復秋冬

二年二月，敕太子傳弘三寶。群臣搆佛宇。  
三年春，復四月得異材，刻觀自在像。五月高

沉香出  
処花果脂  
等事

麗沙門慧慈來。秋冬百濟沙門慧聰來。

三年春，南海之濱有浮查，夜放光聲如雷。  
四月，著淡州南涯，大一圍長八尺。沿海之  
民取為薪，其煙遠薰，以獻于朝。太子奏曰：  
是沉水香木也。產南天竺，南海之崖。其實  
雞古，其花丁子，其脂薰陸。入水久者為沉  
水，不久為淺香。陛下興佛乘，造佛像，天神  
感之，漂送耳。帝悅，敕百濟工刻觀音像。安  
吉野比蘇寺。時時放光。五月，慧慈來。太子

師之

四年春夏秋冬十有一月慶法興寺居沙門  
慧慈慧聰置寺司

四年十一月法興寺成今之元興寺也敕  
設無遮會慶之千時紫雲如花蓋降覆塔  
及殿變為五色作龍鳳形太子語左右曰  
天感新寺故有祥雲救慈聰二師居寺以  
善德臣為寺司

五年春夏四月百濟王子說得拜太子秋冬

五年四月百濟王子阿佐來朝見太子作  
禮曰敬禮大悲觀音菩薩妙教流通東方  
日本四十九歲傳燈演說太子眉間放白  
光阿佐拜而出阿佐曷為不名貴也曷為  
貴之聖人也何以知預言太子歲也

六年

七年

八年

九年

十年春夏秋冬十月百濟沙門觀勒來高麗  
沙門僧隆雲聰來



十年十月百濟高麗沙門等來曷為有<sub>二</sub>來異月也曷為不書月閏也曷為不書閏春秋之法也書<sub>二</sub>來見閏也

十有一年春復秋冬十月轉安宅經于小墾田宮

十一年十月初四帝遷小墾田宮太子命諸沙門講安宅經十一月太子語侍臣曰我有一像誰能安之秦川勝進曰臣願得之乃建蜂崗寺安像像阿逸及今之廣隆

寺也

十有二年春復四月太子製憲章秋冬

十二年四月太子作憲令十七條其第二

曰篤信三寶三寶者佛法僧也四生之終

歸萬化之極宗何世何國不嚮是法人鮮

尤惡能教乃化不歸三寶何以直狂

十有三年春夏四月詔太子及群臣造銅繡

二像秋冬

十三年夏帝敕太子群僚鑄丈六釋迦及

二菩薩像用銅二萬三千二百斤黃金八  
百兩高麗王大興聞之貢黃金  
十有四年春夏四月慶銅繡二像置二孟齋  
五月賜鞞作鳥于大仁位秋七月詔太子講  
勝鬘經冬十月講法華經

十四年四月銅繡像成安元興寺設大齋  
會此夕五色雲覆佛殿銅像放光內外咸  
明帝大悅每歲四月八七月望設齋會立  
爲式二孟何孟夏孟秋也五月教曰嗟爾

鞞作鳥先皇歸佛乘求舍利汝祖司馬達  
等便獻舍利用明帝不豫汝父多須那奏  
出家祈福又汝姨嶋出家爲本朝之愛道  
今朕欲鑄佛像不得善模汝之所獻以爲  
範模像已成殿戶窄梓匠將墮戶汝善巧  
思畫不壞戶而像得入夫累世善忠一時  
巧功朕不得而稱無地雖德唯枉微爵署  
大仁位今之位兼以近州坂田郡二百畝益  
食邑鳥以此田稅作金剛寺今之南洲坂

田尼寺也。七月太子對御講勝鬘經。太子曰。吾昔爲勝鬘夫人時。釋迦世尊說此經。故吾能講此經。講已天雨蓮花。大者三尺。乃製義疏。傳出。十月救於崗本宮。講妙法蓮華經。觀播州田一千畝。太子納于班鳩寺。十有五年春。夏秋七月太子遣野妹子于隋國。冬十五年七月野妹子入隋。以三法衣施衡山三僧。事見太子傳中。

十有六年春夏四月野妹子將隋使而歸。秋八月隋使入都。九月太子屏夢殿。冬十六年八月詔迎隋使裴清于海石榴市街。太子微行見之。清指太子之所曰。彼有真人氣。下馬而過。九月太子入夢殿。閉戶。一七日夜出告慧慈曰。我定中往隋國。執經來也。乃示慈。慈大奇之。

十有七年春。夏五月館百濟沙門道欣。慧彌于元興寺。秋九月野妹子將隋使而歸。冬

十七年四月百濟國遣使於吳國其船漂  
流著肥後之葦北津太宰府奏五月送舟  
人于本國于時沙門欣彌等十一人觀國  
之光上表請留救止元興寺九月隋使奏  
曰去歲秋皇太子駕青龍車侍從五百取  
南嶽舊房經冲空而去

十有八年春三月高麗國貢沙門曇微法定  
夏秋冬

十八年三月高麗貢微定二比丘微父才

藝明儒五經善丹青造碾磴

十有九年

二十年春夏秋冬為須彌山于南庭

二十年異人自百濟來其面及身斑白群  
臣忌其奇體將棄海嶋斑人曰若忌臣者  
斑駁牛馬不可備御亦臣有小伎能作山  
岳之形容臣而用不為無利於是乎敕造  
須彌山于南庭

二十有一年春夏秋冬十有二月庚午太子

逢菩提達磨

二十一年十二月朔太子遊片崗見餓人  
其人頭大面長目纖耳長眼有金光與太  
子語父太子與食服太子歸宮餓者殂太  
子親葬數日使使開墓不見屍衣在棺上  
二十有二年春夏秋八月度一千人太子授  
戒于蘇公冬

二十二年八月蘇馬子疾救度比丘比丘  
尼一千人祈病也馬子疾革太子使其刺

髮自授具戒

二十有三年春夏秋冬十有一月沙門慧慈  
歸高麗

二十三年

二十有四年春夏五月太子建伽藍秋七月  
新羅國貢黃金佛像冬

二十四年夏帝不豫五月太子營精舍祈  
之帝疾愈百僚多建寺塔七月新羅王貢  
金像長二尺安峰崗寺像時時放光

欲護皇  
基建大  
寺千熊  
疑村

二十有五年春復秋冬建伽藍千熊疑村

二十五年太子入定見皇運出奏曰後代  
皇祚多災害非佛力不可救願建一精舍  
護皇基帝隨奏搆千熊疑村今之大安寺  
也

二十有六年 二十有七年

二十有八年

二十有九年春二月癸巳皇太子豐聰薨于  
斑鳩宮復秋冬

二十九年春太子病帝慰問曰有所思乎  
太子對以熊疑之侈新二月五日太子薨  
天下萬民如喪考妣太子厚我亦位尊何  
書薨以名以名書死春秋之法也

三十年

三十有一年春復秋七月新羅國使奈未智  
洗爾貢佛像舍利塔幡沙門惠濟慧先至自  
唐冬

三十一年七月新羅王遣大使奈未智洗

爾貢佛像舍利金塔灌頂幡大小十二旒  
救安像葛野秦寺納舍利塔灌頂幡四天  
王寺是時濟先二比丘及醫慧日福因從  
智洗亦來歸慧日奏曰唐學沙門等學業  
已成早救召之

三十有二年春復四月戊午置僧正僧都及  
法頭壬戌釋觀勒為僧正德積僧都秋九月  
校寺冬

三十二年四月初三一比丘執斧殿祖父

而死巷間嗟吁而曰太子猶在豈有此逆  
乎帝聞之召群臣謂曰夫出家者歸二寶  
具戒法何無慚慎輒作惡逆乃詔諸寺索  
惡比丘於是乎僧尼多逢疑逮有司將并  
坐百濟沙門觀勒上表曰佛法自西印至  
東漢經三百歲傳之百濟已一百年矣吾  
百濟先主聞日本天皇睿聖敏明而貢上  
佛僧及經論今猶未滿八十載以故僧尼  
未習法律之者有矣是所以大逆之生也

今其首醜我門亦不得容其餘僧尼豈可  
例刑哉願質憲章流之仁澤制可十三詔  
曰夫道人尚犯法何以譴俗乎自今以往  
應置僧正僧都檢校僧尼十七觀勒任僧  
正兼法務德積僧都又置寺司曰法頭阿  
曇連任法頭不書微也君子曰興者衰之  
初與僧官者道之弊與昔羅什入關僧尼  
麀至秦主姚興患其濫汗不軌始置僧正  
而整之僧若當其任也什之入秦者吾法

之興也而弊始於此焉推古之世者吾法  
之興而亦衰之始與蓋夫不得已乎何地  
異而事不異也雖貪嗔之不同所以幣之  
始者一也歲寒知松栢瞻彼碧勒者松耶  
栢耶九月校城寺寺四十六所比丘八百  
十六負尼五百六十九負

三十有二年春正月高麗國貢沙門慧灌復  
釋慧灌擢僧正秋冬沙門福亮為僧正  
三十三年春旱詔慧灌法雲甘雨大注帝



悅任僧正擢與爲何異爲常也擢非常也  
此歲福亮爲僧正古史失時日也

三十有四年 三十有五年

三十有六年春三月癸巳天皇崩謚推古

三十六年春三月之崩初七也

舒明皇帝 第三十五

元年春正月丙午天皇即位夏四月秋七月  
冬十月

元年己巳正月初四帝即位帝敏達之孫

彥人王子第二子是歲當李唐太宗貞觀  
三年也

二年春夏秋冬十月癸卯遷于崗本宮

二年十月之移宮十二也

三年

四年春夏秋八月沙門靈雲僧旻至自唐冬

四年八月唐使高表仁來留學雲旻二師

從之歸

五年

六年春三月起豐浦寺塔夏秋冬

六年

七年

八年

九年春二月大星流聲如雷夏秋冬

九年二月大星從東流西其聲如雷朝無知者沙門僧叟曰此星曰天狗東方恐有亂乎果蝦夷叛

十年

十有一年春夏秋七月新百濟大寺九月沙

門蕙隱蕙雲至自唐冬

十一年正月造宮于十市郡百濟河側又相勝攸移熊疑精舍改侈其規禮也其地在百濟河側故曰百濟規模高宏故曰大寺分郡民爲二河西民充造宮東民寺納邑三百戶田三千畝于寺春秋法修舊不書曷爲書大之也故書曰新又褒帝之蹈上官言故書是時宮寺並營材不足乃伐神林子部大神怒火寺帝減膳九月新羅

人送留唐隱雲二人而歸。

十有二年春復五月辛巳釋慧隱講于官中。秋冬十月沙門清安至自唐。

十二年五月初五官中設齋會宣慧隱講。無量壽經。易為書曰官講始也。隱師何書。姓貴也。易為貴始。應官講也。十月新羅使來留唐清安從之歸。

十有三年春夏秋冬十月丁酉天皇崩謚舒

明

十三年十月之崩初九也。

△皇極皇帝 第三十六

元年春正月辛未天皇即位。復四月秋七月法雲于諸寺。九月修百濟大寺。冬十有二月壬寅遷于小墾田宮。

元年壬寅正月十五帝即位。帝敏達之曾孫茅渟王之女舒明之后也。夏不雨。七月村村殺牛馬祭諸神。僕射蘓入鹿奏曰。詔諸寺讀佛經。必得雨。庚辰宣諸大寺嚴像。

設命衆苾芻讀大雲經蘇公手執香爐行  
香辛巳微雨九月百濟之修舒明十一年  
神火至此復營春秋不書修今書之者褒  
也曷爲褒即位之初克復先業非厚我然  
乎十二月移宮二十一也是年當貞觀十  
六年也

二年 三年

四年春夏六月庚戌天皇禪位于皇太子後  
謚皇極僧叟爲博士秋八月置十師冬十有

遠都  
撰列難波  
豐碑

二月癸卯遷都干攝州難波豐碑

四年六月十四帝禪位太子太子辟太兄  
王子王子曰已奉聖旨何讓之有臣素志  
蕪染辭已解佩刀投地即往法興寺除鬚  
髮太子不得已踐位以沙門僧叟爲才加  
大學博士是已乖本法故書去氏族梁齊  
以來加官爵于我者多矣何責叟之深梁  
齊以來諸師不得逃我誅矣八月延諸沙  
門宮中詔曰欽明聖皇膺圖之十三百濟

藩王初貢佛法是時群臣不輯競鼓毀叻  
唯蘇稻田能嚮真乘敏達以降廿事崇奉  
朕新登大寶思興正教故以沙門狛大福  
亮慧雲常安靈雲慧至僧曼道登慧隣慧  
妙為十師此十師等宜弘傳釋教教令衆  
僧又慧妙法師充百濟寺主凡諸寺之怠  
修廢者有司與寺主檢校助營又以三論  
色夫君為法頭巡行諸寺與其寺主勸計  
寺產給其窶缺十二月迂都初九也



元亨釋書卷第二十

